



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Svmmma Totivs Theologiae S. Thomae Aqvinatis, Doctoris Angelici Ordinis Prædicatorum**

Secvndæ Secvndæ Partis Volumen Tertium

**Thomas <von Aquin, Heiliger>**

**Romae, 1619**

Vtrum gula sit maximum peccatorum? 3

**urn:nbn:de:hbz:466:1-38803**

secundum hoc solum gula est peccatum mortale.

Ad tertium dicendum, quod illud verbum August. intelligitur de gula, in quantum importat ordinacionem concupiscentie solum circa ea que sunt ad fine.

Ad quartum dicendum, quod gula dicitur virtutes auferre, non tam propter se, quam etiam propter vicia que ex ea oriuntur. Dicit enim \* Gregor. in Pastoralibus, Dum venter per ingluuiem tenditur, virtutes anime per luxuriam destruantur.

p. 3. c. 20. paulo post princ.

ARTIC. III.

Utrum gula sit maximum peccatorum?

716

Ad tertium sic proceditur. Videtur quod gula sit maximum peccatorum. Magnitudo enim peccati ex magnitudine pena consideratur. Sed peccatum gula est grauissimum puniunt. Dicit enim \* Chrys. Adam + intemperantia ventris expulit a Paradiso. Diluuium quod fuit tempore Noe, ipsa fecit: & penam Sodomorum, secundum illud Ezech. 16 Hec fuit iniquitas Sodomae sororis tue, saturitas panis & vini. Ergo peccatum gula est maximum peccatorum.

\* ho. 13. in Mat. no remotione a pri. to. 2. + al. in conuenientia.

¶ 2 Praterea, Causa in quolibet genere est potior. Sed gula videtur esse causa aliorum peccatorum: quia super illud Psal. 135. Qui percussit Aegyptum cum primogenitis eorum, dicit \* glos. Luxuria, concupiscentia, superbia, sunt ea que primo venter generat. Ergo gula est grauissimum peccatorum.

est glos. Casiod. in hoc loco.

¶ 3 Praterea, Post Deum homo debet seipsum maxime diligere, ut supra habitum est. Sed per vitium gula homo infert sibi ipsi nocumentum. Dicitur enim Eccl. 37. Propter crapulam multi obierunt. Ergo gula est maximum peccatorum, ad minus prater peccata que sunt contra Deum.

SED contra est, quod vitia carnalia, inter que computatur gula, secundum \* Gregorium, sunt minoris culpe.

li. 37. Moral. c. 11. parum ante med. ad sensum.

RESPONDEO dicendum, quod grauitas alicuius peccati potest tripliciter considerari. Primo quidem



& principaliter secundum materiam, in qua peccatur. Et secundum hoc, peccata quæ sunt circa res diuinas, sunt maxima. Vnde secundum hoc, vitium gula non est maximum. Est enim circa ea quæ ad sustentationem corporis spectant. Secundo autem ex parte peccantis. Et secundum hoc, peccatum gula magis alleuiatur, quàm aggrauatur: tum propter necessitatem assumptionis ciborum, tum etiam propter difficultatem discernendi & moderandi id quod in talibus conuenit. Tertio verò modo ex parte effectus consequentis. Et secundum hoc, vitium gula habet quamdam magnitudinem, in quantum ex ea occasionantur diuersa peccata.

Ad primum ergo dicendum, quòd illa pena referuntur magis ad vitia quæ sunt consecuta ex gula, vel ad gula radicem, quàm ad ipsam gulam. Nam primum homo expulsus est de paradiso propter superbiam, ex qua processit ad actum gula. Diluuium autem & pena Sodomorum, sunt inducta propter peccata luxurie procedentia ex gula occasionaliter.

Ad secundum dicendum, quòd ratio illa procedit ex parte peccatorum, quæ ex gula oriuntur. Non autem oportet quòd causa sit potior, nisi in causis per se. Gula autem non est causa illorum vitiorum per se, sed quasi per accidens & per occasionem.

Ad tertium dicendum, quòd gulosus non intendit suo corpori nocumentum inferre, sed in cibo delibescere. Si autem nocumentum corporis sequatur, hoc est per accidens. Vnde hoc non directè pertinet ad grauitatem gula; cuius culpa tamen aggrauatur, si quis corporale detrimentum incurrat propter immoderatam cibi sumptionem.

717

I. 2. q. 71

a. 9. con.

¶ ad 3.

¶ 4. dis.

19. q. 3.

ar. 4.

## ARTIC. IV.

*Vtrum conuenienter species gula distinguantur secundum has quinque conditiones: praeproperè, lauitè, nimis, ardentè, studeat?*

**A**d quartum sic proceditur. Videtur, quòd inconuenienter species gula distinguantur à Grego.

30.